

Transkription von Urkunde SAW 1493b

Ort, Datierung: Salzwedel, 1493-11-15

Signatur: Stadtarchiv Salzwedel, 233/16

Inhalt: Rat der Stadt Salzwedel: Rentenbeleg

Wy Hans rodenszee Hans werkmester(e) Hoyger wittekop wittekop¹ wilhelm wolter / Hans mu(n)ter
Diderick brewitz Werner schermer Diderick chuden Gher(e)ke rademÿn / vnd(e) Hinrick milges
Radma(n)ne der oldenstadt to Soltwedel Beke(n)nen ope(n)bar(e) mit disem / brife tugende vor vns
vnse nakomelinge vnd(e) sust vor alswem(e) dat wij nach rade vnd(e) / mit wet(e)n willen vnd(e)
vulbord vnser oldesten vnde wisest(e)n des Rades vorkofft hebb(e)n recht / vnd(e) redeliken vorkopen
ok in crafft disses brefes in vnd(e) an den rent(e)n tÿnszen vnd(e) allen / ander(e)n vpkomen de
vnser(e)n Radhuse alle jarlikes vallen werden dem(e) Er(e)nhafftigen / her(e)n Arnd ruseberg
Co(m)mendist(e)n der Co(m)mendist(e)n tho den tijden vnser leuen frouwen / in der kerk(en) vnser
leuen frouwen so zelige Er(e)n Nicolaus scholte vnde de sulffte Er(e)n / Arnd to den sulfft(e)n tijden
bestediget vnd(e) belecht hebben vnde sÿnen nakomeling(e)n to / der comend(e)n vnd(e)
co(m)mendisten behüff Drudde haluen guden gengen rinsch(e)n gulden(en) / Jarliker rent(e)n alle
Jarlikes vp su(n)te Nicolai Dach sunder vortoch vnd(e) widdersprak / von vnser(e)n Radhuse in
eÿnem(e) su(m)men toentrichtende vnd(e) tobetalende Dar var(e) de / sulffthe Er(e)n Arnd von den
houet-su(m)men der Co(m)menden vns wol to dancke vornÿget / vnd(e) betalet hefft vefftig gude
genge rinsche gulden(en) De wÿ vord in vnser Stadt / nÿtt vnd(e) fromen gekart vnd(e) gewand
hebben . Doch hebben wÿ vor vns vnd(e) vnse / nakomelinge hir ann(e) beholden den widderkop alse
wa(n)ner(e) vns offte vnser nakome=ling(e)n dat woll bequem(e) is de(n)ne moghen vnd(e) schollen
wy offte sie dem(e) vpge-nom(e)d(e)n / Er(e)n Arnde offte sÿnen nakomeling(e)n Co(m)mendist(e)n ,
so-dann(e) vefftig gude genge rinsche / gulden(en) houetsu(m)men mit allen bedageden nach antale
tjyd , vnde nastellig(e)n rent(e)n vull / vnde all entricht(e)n vnde betalen Doch to behüff
derCo(m)menden der durch bij vebli=/uende nach vnsem(e) vnde vnser nakomelinge rade so wÿ
patronen der Co(m)menden sÿn / vp ander(e) gewisse rente widder tobeleggende vnde wa(n)ner(e)
von vns offte vnser / nakomeling(e)n de betalunge wu vor(e)beroret is tor nÿge gescheen is schollen
vns vnd(e) / vnser nakomeling(e)n sodan(e) drudde haluen rinsche gulden(en) Jarliker renten wedder
lôs / qwijld vnd(e) frÿg vnd(e) disse breeff machteloos sÿn To orkunde hebben wÿ vnser Stadt /
Ing(ese-gel) witliken hang(e)n het(e)n an dissen breeff Na cristi vnser her(e)n gebord
vir-teÿn=/hundert Jar(e) dar na im(e) dre vnd(e) nege(n)tigestem(e)n jare am(e) ffridage na Martini
epi(scopus) ? /

¹ als Schreibfehler gekennzeichnet